



Miljøprogram

Helse- og omsorgssenter

Innleiing

Luster kommune planlegg etablering av nytt helse- og omsorgssenter på tomta Øyrane sentralt i Gaupne. Prosjektet skal bli utvikla gjennom ein samspelsentreprise med parallell detaljregulering av tomta.

Miljøprogrammet inneheld dei overordna miljøambisjonane for prosjektet og skal leggjast til grunn i den vidare utviklinga av prosjektet inkludert detaljregulering av utbyggingsområdet.

Skildring av prosjektet

Nytt helse- og omsorgssenter vert etablert for å gi helsetenestene betre fasilitetar og gi bygningsmessig kapasitet til å tilby eit moderne og framtidsretta helsetilbod. Prosjektet skal samlokalisere helse- og omsorgstenester og ruste Luster kommune for ei framtid med fleire eldre og auka press på helse- og omsorgstenestene.

Bygget skal romme 55 institusjonsplassar, ei rekke kommunale helsetenester, samt ambulansestasjon for Helse Førde og parkeringskjellar. Det vert lagt til grunn at prosjektet vil ha eit omfang på omtrent 9.000m² BRA. Tomta skal i tillegg utviklast med uteareal og infrastruktur.

Store deler av arealet er i dag disponert som dyrka mark, deler av arealet er nytta til campingføremaal. Tomta grensar mot Engjadalselva, fylkesveg 55 og kommunal veg.

Forankring av miljømål

Prosjektet sine miljømål er forankra i Luster kommune i sin kommuneplan 2022 – 2034.

I kommuneplanen under satsingsområdet «Klimasmart» er det vedteke følgande hovudmål som er relevante for prosjektet sine miljøambisjonar;

- Direkte utslepp skal halverast innan 2030, og betydeleg reduksjon i energibruk og forbruk av forureinande varer og tenester.
- Kommuneorganisasjonen framstår som eit førebilete i klimaomstillinga.

I kommuneplanen ligg det og andre relevante føringar om at;

- Luster kommune skal vekte utsleppsreduserande tiltak og miljøvenleg innovasjon i anbudsprosessar
- Luster kommune skal velje energisparande og energifleksible løysingar og alternative energikjelder ved planlegging av nye bygg og anlegg.
- Naturmangfaldet i nærområde skal styrkast.

15.09.2026	Konkurransegrunnlag
Dato	Skildring

I tidlegare fase av prosjektet blei det gjennomført moglegheitsstudie for nytt senter på anna tomt. I samband med dette blei det gjort tidlegfasevurderingar av aktuelle miljøtiltak. Dette er nytta som grunnlag for fastsetting av miljømåla.

I høyringsinnspel til oppstartsvarsel for reguleringsplan er det kome merknader frå sektormyndigheiter om miljøomsyn som må ivaretakast i planen. Relevante krav er innarbeidd i miljøprogrammet.

Miljømåla skal og ivareta leigetakar Helse Førde sine miljøkrav til ambulansestasjonar, slik desse er nedfelt i Helse Førde sin kravspesifikasjon.

Utkast til miljøprogram er drøfta med leverandørar i marknadsdialog. Luster kommune ba om innspel frå marknaden på både ambisjonsnivå og om måla er treffsikre. Einskilde målformuleringar er justert etter innspel i dialogen.

Vurdering av miljøtema

Følgande miljøtema er vurdert som relevante for dette prosjektet:

Miljøtema	Skildring
Materialbruk og sirkularitet	Temaet omfattar alle typar materiale som skal nyttast i prosjektet inkludert avfall og levetidsvurderingar.
Naturmangfald og -ressursar	Temaet omfattar det biologiske mangfaldet og ivaretaking av naturverdiar og landbruksverdiar.
Landskapsbilete, arkitektur og bygningsmiljø	Temaet omfattar dei visuelle kvalitetane i prosjektet. Det omfattar arkitektonisk utforming av bygg inkludert avstandsverknader.
Klimatilpassing	Temaet omfattar tiltak for å hindre skade som konsekvensar av endra klima.
Klimagassutslepp	Temaet omfattar utslepp av klimagassar frå materialar og anleggsverksemd.
Energi	Temaet omfattar energibehov og energiforsyning i bruksfasen.

Fastsetting av miljømål

Det er utarbeidd miljømål for kvart miljøtema. Det er og vist til krav i [DFØs kriterievegvisar](#) som vert lagt til grunn for anksaffinga av samspelsentreprenør i prosjektet.

Miljøtema	Miljømål	Krav frå DFØs kriterievegvisar Ambisjonsnivå: Grunnleggande
Miljøstyring	Miljøoppfølgingsplan (MOP) skal utarbeidast i forprosjektet og følgast opp av dedikert ansvarleg hos totalentreprenør gjennom detaljprosjektering og byggefase.	- Miljøoppfølgingsplan



	• Prosjektet skal følge opp alle relevante miljøkrav i TEK17, inkludert kontroll av byggevarer. • Prosjektet skal kvalifisere for <u>Kommunalbanken sitt grønne lån</u>.	
Materialbruk og sirkularitet	• For hovudbæresystemet, fasadeelement og dominerande element i bygget sitt uttrykk og publikumsareal vert det føresett 60 års levetid. • Livssyklusluskostnader skal vektleggast i val av design, klimaskjerm, energikonsept og drifts- og reinhaldskonsept. • Material som nyttast i prosjektet skal ikkje innehalde skadelege miljøgifter • Bygningsmassen skal ha høg grad av endringsdyktigheit (generalitet, fleksibilitet og elastisitet). • Prosjektet skal ha høg grad av sirkulær massehandtering. • Prosjektet skal oppnå minst 90% sorteringsgrad.	- Livssyklusluskostnader (LCC) - Bygg for endringsdyktigheit og ombruk
Naturmangfald og -ressursar	• Matjordressursar på tomta skal ivaretakast og nyttast til nydyrking, subsidiært jordforbetring i tråd med landbruksfagleg god praksis. Matjordplan skal bli utarbeidd. • Naturkvalitetar knytt til vassdrag og kantvegetasjon langs Engjadalselva skal ivaretakast.	
Landskapsbilete, arkitektur og bygningsmiljø	• Arkitekturen skal vere vakker og varig og inspirert av historiske lokale og regionale bygningsmiljø. • Bygg og infrastruktur skal vere stadstilpassa og innordne seg dei fysiske omgjevnadene. • Arkitektonisk utforming skal ivareta bygget sin funksjon som ein visuell portal til Gaupne sentrum.	
Klimatilpassing	• Tomta skal bli planlagt robust med omsyn til flaum, skred og overvatn.	
Klimagassutslepp	• Prosjektet skal stette krava i Kommunalbanken sine kriterie for Grønne lån punkt 1.2.2 <i>Nye bygg i klimavenlege materialar</i> eller punkt 1.2.4 <i>Nye bygg med lågt klimagassutslepp</i>. • Det skal bli utført klimagassberekningar for alternative løysingar for utvalde bygningsdelar. • Prosjektet skal ha 20% lågare utslepp enn referansenivå for sjukeheim.	- Klimagasskrav til byggematerialar - Klimagassberekningar for utvalde bygningsdelar



Energi	• Prosjektet skal støtte krava i Kommunalbanken sitt kriterie for Grøne lån punkt 1.2.1 <i>Nye bygg med lågt energibehov.</i> • Prosjektet skal oppnå energimerke A.	- Energibruk per kvadratmeter og per bruker
--------	--	---